

Drljević Esad, geodetski inženjer



Nakon kratke i teške bolesti 7. decembra 2003. godine, preminuo je naš kolega i prijatelj Esad, Eso, u 63-oj godini života.

Esad je rođen u Bileći 10. aprila 1941. godine, od oca Smaje i majke Aze. Osnovnu školu i šest razreda gimnazije završio je 1957. godine, nakon čega upisuje Srednju a potom i Višu geodetsku školu u Sarajevu, koju završava 1962. godine.

Esad se iste godine zaposlio u Geodetskom zavodu i ostao u istom sve do smrti.

Tokom svog plodnog rada, kako kao izvršilac, a kasnije i rukovodilac obišao je sva gradilišta u Bosni i Hercegovini, svuda ostavljajući dojam stručnog, izuzetno toplog u timskom radu odanog inženjera.

Esad je period od 1984. do 1986. godine proveo na gradnji aerodroma u Iraku, u sklopu tehničke saradnje sa Unioninvestom iz Sarajeva, radeći na veoma odgovornim poslovima vizuelnog navođenja letjelica i pri tome ostvario izuzetne rezultate.

Najuspješniji i svakako najduži period svog radnog angažovanja, Esad je proveo na Fotogrametriji radeći kao izvođač, pregledač, instruktor i rukovodilac terestričke fotogrametrije Geodetskog zavoda, pri čemu je potrebno istaći njegov doprinos kod obnove i restauracije kulturnoistorijskih spomenika Bosne i Hercegovine.

Mi, njegove kolege i prijatelji, odlaskom našeg Ese izgubili smo jednog izuzetnog prijatelja, drugarčinu, uvijek spremnog da pomogne i utješi, a njegova porodica toplog oca, djeda, brata i supruga.

Eso, počivaj u miru i neka ti je veliko hvala.

*Šućrija Sarić*